

書名 新編古今事文類聚外集十五卷 泰定  
三年廬陵武溪書院刊本  
撰者 元 富大用 撰  
卷 卷十三  
內容分類 子 類書 彙考 宋  
索書號 貴重-19  
編號 C5930300

# 卷十三

[彩色首頁1](#)  
[彩色首頁2](#)

[東洋文化研究所漢籍目錄 編號: C5930300](#)

[東洋文化研究所漢籍目錄所藏漢籍善本全文影像資料庫 索書號: 貴重-19](#)

[漢籍善本全文影像資料庫文本新編古今事文類聚外集十五卷 泰定三年廬陵武溪書院刊本](#)

[版權所有: 東京大學 東洋文化研究所](#)

[使用上的注意事項](#)

東宮部

卷一

新編古今事文類聚目錄

南江富大用時可編

## 三師三少

各具本題之下更不具載

各具本題之下更不具載

廣受師少


令太子拜

見輒先拜

請赴資善堂

生員輔弼

No. 1473 九



2  
3  
4  
5  
6  
7  
8  
9  
5

新編古今事文類聚卷之十三

外集

南江富大用時可編

各路官部

各路儒學

歷代沿革

漢郡國有文學文翁治蜀起學成都市招下縣子弟以為學官弟子武帝時天下郡國皆立學校官

自文翁為之始平帝時郡國曰學縣道邑侯國曰校校學置

經師一人鄉曰庠聚曰序序庠置孝經師一人魏晉以下郡

國並有文學即博士助教之任隋潘徽為州博士唐府郡置

經學士各一人掌以五經教授開元二十六年敕州縣每鄉

之內各置一學仍擇師資令其教授宋有四書院廬山白鹿

洞太平興國二年知江州周述言廬山白鹿洞學徒常數十

百人望賜九經詔從其請高陽書院至道二年賜額及印本  
九經嶽麓書院咸平四年鄆州守臣李允則奏嶽麓書院修  
廣舍宇有書生六十餘人聽誦乞下國子監降釋文等書從  
之應天府書院祥符二年新建書院詔以曹誠為助教國初  
有戚同文者通五經業高尚不仕聚徒教授常百餘人許驥  
郭承範董循陳與王厲滕涉皆其門人同文卒後無能繼其  
業者至是始有是命并賜院額此四書院之外又有茅山書  
院未建州學也乾興元年兗州守臣孫奭私建學舍聚生徒  
乞請太學助教楊光輔充本州講書從之余鎮未置學也景  
祐四年詔藩鎮始立學他州勿聽寶元元年潁州守臣蔡齊  
請立學時大郡始有學而小郡猶未置自明道景祐間累詔  
州郡立學賜田給書學校相繼而興近制惟藩鎮立學額為  
支郡齊以為言而特許之慶曆四年詔諸路州軍監各立令

學學者二百人以上許更置縣學於是州郡不置學者鮮矣  
又置教授以三年為一任以經術行義訓導諸生掌其課試  
之事而糾正不如規者委運司及長吏於幕職州縣內官薦  
教授或本處舉人舉有德藝者充當時雖置教授或用兼官  
或舉士人委於漕司而未隸朝廷也熙寧六年詔諸路學官  
並委中書門下選差至是教授始命於朝廷矣元豐元年州  
府學官共五十三員諸路唯大郡有之元祐元年詔齊廬宿  
常等州外置教授一員自是以後列郡多有教官矣崇寧四  
年令教授承務郎以上在本州僉判上選人在職官之上建  
炎三年教授並罷紹興三年復置四十二州十二年詔無教  
授官州軍令吏部中尚書省選差十三年詔諸州軍並各置  
教授其禮部長貳正係所隸合依崇寧大觀格法許按劾體  
量及歲舉改官從司業高閱之請也二十六年詔並不許兼

他職令提舉司常切遵守從知郢州路探之請也若試教官則始於元豐元豐七年立法試學官上等為博士下等為正錄願授教者聽元符元年詔學官歲一試紹興五年罷試學官科十五年詔試諸州教授自來春始添差教授則始於政和政和三年詔八行添差諸州教授

正八品散府上中州教授從八品

**大元**各路置儒學教授

**羣書要語**

思樂泮水言采其芹詩諸侯類宮類之言班所以班政教也詩注我欲中國而授孟子室養弟子以

萬鍾使諸大夫國人皆有所矜式孟子諸侯以下立教學之官為師氏周禮正義師嚴然後道尊記學記善待問者如撞鐘叩之以小則小鳴叩之以大則大鳴待其從容然後盡其聲同上濟濟多士克廣德心詩置學官備釋奠禮詔庠塾之儀泥馬將墜唐大詔令鄭人游鄉校以議執政之善否左傳橫經師幄知

譽處之采休張于湖上王教授啟其起視學校諸生有所矜式樂巴侔陳希烈制

**詩句**北門塵土滿衣襟廣文直舍官槐陰山谷短日送簷砧杵

急冷宮無事屋廬深東坡代比諸生漸狂簡床頭雜說為爬梳東坡送蔣夔代州學官先生依舊廣文貧同上次韻趙明叔回

顧廣文寒無志雞黍約周益公詩寓居廣文舍山谷君勿嘲廣

文同上側聞頰夫子講道出新貫東坡廣頰教授見寄夜談空

說劍春夢猶橫經東坡送家安國教授但願斯民均暖律小儒

不歎廣文寒周益公詩泮宮先生非俗儒東坡不日經筵重坐席暫時鬢舍冷無氈楊誠齋送金元度教授

**古今事實**

杏壇弦歌

孔子游于緇帷之林休乎杏壇之上弟子讀書孔子弦歌鼓琴

槐市議論

列槐樹數百行為隊無墻屋諸生朔望會此市雍容揖遜議論槐下藝文類要

為郡文學

光武問武臣曰諸卿不識書自度爵祿何所至也鄧禹曰臣少嘗學問可為郡文學

當世明經

匡衡補平原文學學者多衡經明當世少雙

郡國立學

見前沿革

郡縣起學

前漢文翁為蜀郡守及郡縣小吏起學宮設教官使弟子校業遂變鄒魯之風

端架肅冠

陸九齡守子壽教授興國先生端架履肅衣冠如臨大眾勸綏引翼士方興於學而先生以家難去宮矣晦庵集

正己率人

紹興十三年宗子師閔訟臨安教授鮑同上曰為教授者先正己然後可以率人四朝國史

作新學碑

任諒字小諒為懷州教授徽宗見其所作新學碑曰文士也擢提舉夔路學事

言當世務

靖康初詔求直言公自鄧州教授上封事言當世之務據經引古以救時弊鄭克撰呂尚書社行

訓督有法

晏丞相留守南京請范公文正公也掌府學公常宿學中訓督學者皆有法度由是四方從學者輻湊其後宋人以文學有聲名於場屋朝廷者多其所教也凍水紀聞

### 正身律物

胡文定公安國除荆南教授正身律物凡所訓說務明忠孝之大端罷官僚舊餞行于渚宮呼樂戲以俟而交代龜山楊公時具朝膳留公鮭菜蕭然引觴徐酌置語孟案間清坐談論不覺日晷云暮也淵源錄

### 乃治化本

紹興十八年江西漕賈直請奏立縣學上曰選官教導乃治化本源將來三場科場亦有人才以備采擇同上

### 有治事齋

安定胡先生瑗教授蘇湖間三十餘年弟子以數千計時尚詞

賦獨湖學以經義及時務學中故有經義齋治事齋經義齋者擇疏通有器局者居之治事齋者人各治二事又兼一事如邊防水利之類故天下謂湖學多秀彥其出而筮仕往往取高第及為政多適於世用若老於吏事者由講習有素也歐陽公詩曰吳興先生富道德說說弟子皆賢才王荆公詩先收先生作梁棟以次收拾稍與榱言行錄

### 須擇通經

紹興十三年宋宙奏乞盡復教官上曰教授須逐州置十二年已有指揮仍須是擇通經心術正者為之若教官非其人士人心術一壞再整頓費力切宜遴選也

### 不撰書啟

政和五年臣寮言見任教授不為人別撰書簡牘樂語之類庶日力得餘辯舉業事以副陛下責任師儒之意

不兼他職

紹興二十六年詔諸州教授並不許差兼他職

不交嬖倖

陳公輔初筮仕職教吳中朱覲方嬖倖當官者奴事之公不與之交覲滋不悅託權要以其婿周審言代而移公會稽言行錄

不撰樂語

鄒浩字至全調揚州穎昌府教授呂公著范純仁為守獨加禮重純仁嘗撰樂語辭不為純仁曰翰林學士亦作此浩曰翰林學士則可祭酒司業則不可純仁謝國史

薦為州教

陳師道字無已少好詩呂居仁作江西宗派圖以無已為第二或以為高師一着其古文則學曾子固嘗賦六一堂詩有向來一瓣香敬為曾南豐之句奇之元祐中薦于朝為徐州教授東

都事略

召為直諫

王堯臣字伯庸晏殊留守南京薦其才為府學教授召為國子監直講同上

著文勸諭

節孝徐先生積時為楚州教授先生嘗患鄉飲之禮世久不見率郡守舉行其儀閭巷鄉老皆使與飲又著文勸諭子弟室家是日士民在泮者蓋千人矣言行錄

升堂訓講

節孝徐先生為楚州教授一日升堂訓諸生曰諸君欲為君子而使勞己之力費己之財如此而不為猶云可也不勞己之力不費己之財何不為君子鄉人賤之父母惡之如此而不為猶云可也父母欲之鄉人榮之何不為君子同上



列名以進

公任臨安府教授孝宗皇帝寤寐英賢陳文恭公當國列公姓名以進旋賜對深合上意趙鞏撰施大微師點行狀

聞風而至

中第郡安簡公亢守鄭薦其賢請為州學教授四方之士蓋有聞風而至者踵門授經無虛席時上方嚮儒近臣言公行宜居首善之地有旨延和殿賜除校書兼國子直講楊龜山撰曹肇行狀

古今文集

雜著

漳州教授廳壁記

朱元晦

教授之為職其可謂難矣惟自任重而不苟者知之其以為易而無難者則苟道也何也曰教授者以天子之命教其邦人凡邦之士廩食縣官而克弟子員者多至五六百餘少不下百十

數皆惟教授者是師其必有以率厲化服之使躬問學蹈繩架出入不悖所聞然後為稱此非反之身而何以哉是何不謂難矣乎不特此爾又當嚴先師之典祀領護廟學而守其圖書服器之藏其體至重下至金穀出內之纖悉亦皆獨任之嗚呼是亦難矣然凡任於今者無小大莫不有所臨制統攝其任無劇易必皆具文書使可覆視是以雖甚弛者亦有所難而不敢肆獨教授官雖有統若其任之本諸身者則非簿書期會之所能察至其具於有司而可改者上之人又以其儒官優容之雖有不合不問以是為便故今之仕者反利焉而喜為之而孰知所以充其任者如彼其難哉故曰惟自任重而不苟者知之其以為易而無難者則苟道也予嘗以事至漳其教授陳君與予有故館予以其寓直之舍因得盡觀陳君所施於學者予謂若陳君則可謂知其難矣時陳君方將刻前人名氏於壁屬予

記子辭謝不能者再三既不得命乃退而書其所聞見如此以  
為記且以厲後之君子云爾紹興二十六年七月甲子新安朱  
熹記

蘄州教授廳記

朱元晦

乾道八年秋予友建安李君宗思為蘄州學官始至入學釋菜  
召諸生坐堂上而告之曰朝廷立學建官所以教養人才而待  
用德意甚美宗思不佞得備 焉深惟淺陋具不能稱今將  
以告二三子者而相與朝夕 古人為己之學庶幾無負朝  
廷教養之意二三子其亦有意於斯乎諸生起而對曰諸生不  
敏惟先生有以教之則幸甚於是李君退即其居則距學且十  
里所李君顧而嘆曰學官宜朝夕于學與諸生相切磋者其相  
距之遠可若是耶翌日相學之東偏有廢壞焉請於州願得為  
屋以居而日往來於學以供厥事於是通守北海王侯某實領

州符嘉李君之意而悉其力以相之役不踰時遂以備告然後  
李君得以日至於學進諸生而教誨之蓋使之潛思乎論語孟  
氏之書以求理義之要又攷諸編年資治之史以議夫事變之  
得失焉日力有程不躐不惰探策而問勸督以時凡以使之知  
所以明善修身之方齊家及國之本而於詞藝之習則後焉而  
不之急也既又禮其士之賢有德者李君之翰而與之居凡學  
之教治悉使聽焉由是蘄之為士者始知所以為士之事而用  
其力李君亦喜其教之行而將有成也龔石於堂政前為是官  
者得自某人以下若干人之名氏歲月刻之而以書屬予使因  
記其所以然者予惟李君之教可能也而其所以教者則非使  
儒之所及王侯之垂意於學可及也而其不以李君之說為迂  
闕於事者則非俗吏之所能是皆宜書以詔于後蓋非獨使繼  
李君而居此者有所考法抑亦承流千里而帥師其民者所宜

知也於是悉書其本末如此俾刻實題名之首云九年秋七月  
壬子新安朱熹記

福州州學經史閣記

朱元晦

今教授常君濬孫始至既日進諸生而告之以古者聖賢教學  
之意又為之飭厨饌葺齋館以寧其居然後謹其出入之防嚴  
其課試之法朝夕其間訓誘不倦於是學者競勸始知常君之  
視諸生亦閔閔焉唯恐其不自勉進於學

上韋中立書

柳子厚

辱書云欲相師僕道不篤業其淺近環顧其中未見可師者雖  
嘗好言論為文章甚不自是也不意吾子自京師來蠻夷間乃  
幸見取僕自卜固無取假令有取亦不敢為人師為衆人師且  
不敢况敢為吾子師乎孟子稱人之患在好為人師由魏晉氏  
以下人益不事師今之世不聞有師有輒譁笑之以為狂人獨

韓愈奮不顧流俗犯笑侮狀召後學作師說因抗顏而為師世  
果群恠聚罵指目牽引而增與為言詞愈以是得狂名居長安  
吹不暇熟又挈挈而東如是者數矣屈子賦曰邑犬群吠吠所  
恠也僕往聞庸蜀之南恒雨少日日出則犬吠予以為過言前  
六七年僕來南二年久幸大雪踰嶺被南越中數州數州之犬  
皆蒼黃吠噬狂走者累日至無雪乃已然後始信前所聞者今  
韓愈既自以為蜀之日而吾子又欲使吾為越之雪不以病乎  
非獨見病亦以病吾子然雪與日豈有過哉顧吠者犬耳度今  
天下不吠者幾人而誰敢銜恠於羣目以召鬧取怒乎僕自謫  
過以來益少志慮居南中九年增脚氣病漸不喜鬧豈可使  
嗽者早暮咈吾耳騷吾心則固僵仆頰憤愈不可過矣平居望  
外遭齒舌不少獨欠為人師耳抑又聞之古者重冠禮將以責  
成人之道是聖人所尤用心者也數百年來人不復行近有孫

昌胤者獨發憤行之既成禮明日造朝至外廷薦笏言於卿士曰某子冠畢應之者咸慨然京兆尹鄭叔則拂然曳笏却立曰何預我耶廷中皆大笑天下不以非鄭尹而快孫子何哉獨為所不為也今之命師者大類此

福州教授壁記

洪邁

自慶曆詔書郡國大抵悉有學而立官教授則繇熙寧始然服領以南草山小州若彼邊初郡或自詭偏女或生長兵間雖與聞德音或謙讓未遑也至崇寧大觀乃極盛凡版在職方者必建學如中州教授雖秩卑吏部勿敢豫必宰相自推擇而大郡多至四三員文風張施古無有也陛下宅天命蓋十有六載立文學置博士悉還太平之治而郡國立學除吏復一切如先朝時福於東南最大為督府自平時最多士故領袖學官者員多類以進士高第得左官錚錚搢紳間者為之紹興十八年十一

月己番陽洪邁至十二月辛酉建安劉祥至邁一取徑路得一第劉君以易書合上意顧得之皆非所謂高進士選者懼不稱時相與言曰我曹特幸耳若又飫其家而飢其徒弗學之不可乃旦旦坐直廬稍挈網維苴補破壞凡泉谷者上諸二千石悉索之移長度於計臺取振其所實我冠束帶朝莫必謹毋敢不謁而學張冠至今若干人名數具在倘仍也願石而刻之予曰誠然吏以文章皆在不遺於是志而由夫林君迪十九年正月

上任

唐眉山

薛郡任公之教授通也士之曳長裾服方領抱書束帶俊於泮宮者數百人英俊豪傑往往輩出有少年書生曰唐某誦書不甚多屬文不甚工碌碌落落無可稱者一日持一軸書

掉三寸舌草衣麻屨攘袂登門危言高論不顧忌諱公一見而  
嗟異之再見而禮貌之三見而憐恤之勸戒勤篤教諭款密處  
之而不能自安退而詔之於客曰公於我厚矣吾將圖報矣吾  
欲脅肩諂笑巧言令色以順適其意於是報公可乎客曰不可  
是小人之報也吾抱長劍挾匕首有惡聲至者以血濺其襟  
以是報公可乎客曰不可是刺客之報也吾將淬文鋒礪詞鏑  
庶幾超騰奮躍高飛遠舉於天下使天下之人稱之曰斯人也  
出於任公之門以是報之可乎客曰唯唯是國士之報也某因  
書以為序

送吳教授序

張子湖

臨川於江西號士鄉王介甫曾子固李泰伯以文為一代宗主  
而皆其郡人故居民多業儒錄錄者出於他州足以長雄故能  
文者在其鄉里不甚齒錄獨素行可致而後貴也吳氏子縊舉  
進士登于朝中乙科知舉者嘗欲以冠多士不為之延譽  
一時名聲籍甚教彬州學舍謂縊不以文勝蓋見貴於鄉里  
者古之君子固有獨行立自舉世非之而不悔至貴於鄉里猶  
未足道縊也蓋尚友古人益思未其止者與必試於烈火而  
後知玉萬物俱流而金玉乃止余欲金石縊也

答方教授書

呂伯恭

伏蒙誨劄教以窮理盡性之說蓋非末學所敢擬議然既荷開  
論反覆之勤闕然不報益重疎怠之罪謹因來教而紬繹之所  
謂理雖無窮然有本有原有倫有要者既得窮理之大旨矣竊  
意悖典庸禮秩然而不可廢者此其倫歟致知格物瞭然而不  
可揜者此其要歟未有不知其倫要而能造其本原者也本原  
既造故小可舉大而宏闊勝大之言不能誘也近可即遠而荒  
忽茫昧之說不能惑也一可知萬而二本兼愛之學不能入也

執事之所諭者倘可以觀之乎未能識心豈能存心所以誨  
警者誠為切至然所謂人心本虛且明與性不殊則猶未能達  
蓋既曰與性不殊是心與性有殊也幸望指教列禦寇所謂八  
荒之外來干我者我必知之有來干我者又有知之者似判然  
二物也來教又謂妍非所當愛醜非所當惡我非所當厚物非  
所當薄某竊謂愛惡厚薄發之不中其節施之不以其序固人  
欲之私矣若曰無愛無惡無厚無薄則所未諭也夫子謂吾無  
隱乎爾吾無行而不與二三子則似非不顯以同衆也至誠如  
神見乎著龜動乎四體則似非假著龜以自晦也荆公之書  
未之學伊川論語頗效參請則亦未之聞也一固萬也不待一  
塵萬境而後知其一而萬也萬固一也不待萬境一塵而後知  
其萬而一也千載一念一念千載 竺乾之書俱不免近於  
辭費也不生而現生不滅而現滅不生之生不滅而滅 固然

之理耶何為而復加現之一辭也執事信之篤守之堅豈口舌  
所能移獨以屢沐誘誨不盡白其愚則無以拜盛意之辱尚幸  
原恕  
古詩

題羅巨濟教授蓬山堂

楊廷秀

蓬萊藏室盛東都只著古書并老儒後來許事曉星疎登車不  
落問何如廣文先生自有飯諸公衮衮端無羨着脚金坡不作  
難問津木天何足辨作堂聊爾題蓬山此豈有意非偶然登瀛  
仙人多姓許未必先生肯為伍書生饒舌定可憎此話姑置莫  
葛藤先生諸孫皆王冰誦書已作鸞鶴聲請來欵枕細細聽

除鳳州教作詩自寬

唐子西

百函無力致諸公誰說着今承學校之頗訝名字錯宿桑豈無  
戀得治不敢躍師儒要好手老大良非脚夏盡識美空抽窮知

薄薄豈惟嘲孝先終恐同有若絳紗諒無有首着聊可嚼

戲簡鄭廣文

廣文到官舍繫馬堂階下醉即騎馬歸頗遭官長罵才名三十年坐客寒無氈近有蘇司業時時乞酒錢

律詩

送金元度教授辭滿赴部改秩

楊廷秀

金華唐呂兩儒先夜半黃梅君併傳不日經筵重坐席暫時黷舍冷無氈引班曉漏槐楓裏出幸春風桃李邊莫遣垂楊知別恨一篙新漲解船歸

送蘇州教授赴闕

唐子西

三年泮水振洙風俯接諸生屢改容嶺露困時難隱豹巖雲有便得從龍

戲陳州教授子由

蘇子瞻

宛丘先生長如丘宛丘學舍小如舟常時低頭誦經史忽然欠伸屋打頭斜風吹帷雨注瓦先生不媿旁人羞

夜過舒堯夫戲作

蘇子瞻

先生堂前雪苦弟子讀書喧兩廡推門入室書縱橫蠟紙燈雲母

戲陳州教子由

蘇子瞻

勸農冠蓋鬧如雲送老齋鹽甘似蜜門前萬事不掛眼頭雖長低氣不屈

和池州陳教授

吳芾

人物今誰似此郎今居嚴近贊垂裳未將事業先諸老且把文章變一方今日杏壇風似魯向來鐵硯志如秦

錢廣文采芹亭

吳芾

開明後學日升東千里文風一旦雄池上採芹搖水碧帳中搗

藻映紗紅

多士欣逢樂育辰一時席上盡懷珍將攀丹桂廣寒裏先探香  
芹泮水瀆味道固應甘若薺絳章還更豔如春扶持風教師儒  
力我愧當年戾止人

送黃舒文赴欽教

劉克莊

博士文中虎垂髻已定交雅宜對紅藥胡乃涉黃茅薄有先生  
飯全無弟子嘲猶勝迂闊者荷鍾壑芳郊

送方

赴衢教

劉克莊

博士非如吏巍然道自居諸生趨避席太守揖升車朱筆濃批  
卷青燈細勘書漢廷重文藻行矣召嚴除

寄洪駒父

翼翼魯泮宮國士徵無雙行且立教化儒風成一邦

# 推官

歷代沿革

後唐長興二年詔有兩使判官防團推官宋從五

之制兩使置判官推官各一人餘置亦置推官

一人

亦置推官

詩句吾州佳士子王子深入黃茅作從事

古今事實

鯁言無忌

韓退之知武寧張建封為推官操行堅正鯁言無所忌

言行剛直

狄仁傑孫兼謨元和未解褐襄陽推官言行剛直使府知名

方重自持

李常為宣州推官以方重自持發運使楊佐欲薦常改官常推



其友劉錡佐曰不見此風久矣通畧

### 有宰相才

呂文穆公既致政居洛真宗祀汾陰幸其宅問曰卿諸子孰可用對曰有姪夷簡任穎川推官宰相才也遂至大用邵氏聞見錄

### 真宰相器

忠獻王琦徙開封府推官理事不倦暑月汗流浹背府尹王文大器重之曰此人要路在前而治民如此真宰相器也胡氏傳家錄

### 有廊廟才

明鎬字化基薛奎稱鎬有廊廟才遂除開封府推官東都事畧

四川總領符行中嘗欲增簡州益筴以其事屬雅州推官李壽

力拒之張浚謂有臺諫風中興係年錄

### 處事精審

蘇頌字子容為南京留守推官歐陽公一以府政委之日子容處事精審一經閱覽則其不復省矣

### 決斷精敏

蘇攝開府推官決斷精敏聲聞益遠言行錄

### 府事悉咨

范如奎字伯達授武安軍節度推官始至帥將斬人公白其帥已署不易也公正色曰節下奈何重易一字而輕數人之命矍然從之自是府中事大小悉以咨焉

### 職事爭辯

陳希點字子與授平江府觀察推官樞密兵公密為守屢以職事爭辯丘公或馮怒折之公退立屏息俟其少霽執論如初至

于再三竟不能奪固自爾公所書擬望而許之 樓攻媿集

雪冤數人

錢宣靖公若水為同州推官雪冤死者數人遠近翕然稱之未幾太祖聞之驟加進擢自幕職半歲中為知制誥二年中遷為樞密副使 言行錄

活冤四人

薛簡肅公奎授隰州推官始至取州獄已成書活冤者四人矣 言行錄

舉笏擊蛇

孔道輔為寧州推官道士治真武像有蛇穿其前數出近人傳以為神州將欲驗視以聞故率其屬往拜之而蛇果出公即舉笏擊蛇殺之自州將以下皆大驚已而又皆大服公由此知名 石介有擊蛇笏銘言行錄

作箴諷守

李文簡公燾號巽巖注雅州推官作當直司箴諷郡守用私情背公法者

偽印疑讞

趙清獻公抃為武安軍節度推官民有偽造印者吏皆以為當死公獨云造在赦前而用在赦後赦前不用赦後不造法皆不死遂以疑讞之卒免死一府皆服 東萊集

冷清伏罪

韓獻肅公絳為開封府推官男子冷清自謂母娠宮中生民間於是稱皇太子覩人聚觀頗以為疑吏收捕驗問無實猶止羈置近郡公上疏引成方遂事論奏甚切清遂伏罪復遷戶部判官除右正言 言行錄

古今文集

雜著

送魯推官赴南海序

穆修

為人之佐其難矣哉夫令而行者其長之所專也從而輔之者其佐之所守也凡政有害於公有悖於理而必言已之可為耳言而必從豈已之所能哉苟上無必從之道則政有必失之患為其佐者罪先及之故曰為人之佐其難矣哉然則如何其可也曰盡其職而已矣上言者賢已當公而輔之不賢已當公而正之賢不賢自主彼之材輔與正非已之職歟正之而不從則雖獲罪及有之矣於其職也實無媿焉今之從事二人者或莫率是道不涉於欺則陷於隨居上者其人果賢其政果明是宜順之於下以成其美已則曰我為人佐遂能無一言為之損益居何以食其官即彊出白黑以紛亂之此非欺而何居上者其人果不賢其政果不明是宜直之於下以救其過已則曰我為

人佐言不吾專力與為敵徒速悔累曷若附離唱和取容免責苟全吾位而去此非隨而何予謂士之居其位事其人既可欺亦不當隨不欺不隨唯職所宜而已矣魯君以辭學中邑佐而遊郡幕皆有所稱今將復佐於南海南海際南之也方聞其長則是天下諫臣賓接僚屬當獎正與直用是以往志必上行苟上下協公以從于理予見南海之政獨追於古而荒夷之民決惠也

古詩

送石士志推官赴調

洪咨夔

石友抱奇璞竭來椽吾邦昂然凌霄姿莒鼎獨立扛入幕有此士諸人亮難雙決事風赴谷哦詩雨翻江青山裏研骨黑髮今眉尻世無九方臯誰識驪與驪一朝解綬去船鼓催逢逢闔府少顏色我心若為降倦游方閉門寄傲但一窻惜別不得餞况

能綴羊腔明廷急才俊召驛南逾瀧森森鄧林枝翦拔窮株樛  
豈其飯牛戚未作展驥龐早晚對此闕華鍾發鯨撞

贈王誠中推官

唐子西

今作劾鼠吏於理誠未穩怒草三千牘馳驛奏龍衮上問今何  
在幕職補閭苑縱未置青瑣亦應校黃本九萬里扶搖忽若馳  
峻坂

送王林節推之官融水

楊廷秀

桂嶺梅花欲爭發融水幕賓來訪別可憐走馬犯風霜吟徧梅  
花更吟雪

君如雲表秋健

鸛政好搏扶整羽翰

律詩

送高推官

陳后山

先生鍾舊德大府冠群能過手無難事逢人有異稱薦賢餘一

鸛風記契千燈看挽秦梁攬頭頭數不勝

送俞節推

蘇子瞻

吳興俞君子清如朱絲琴一唱三難息至今有遺音

司獄

歷代沿革

五代以來諸州皆有馬步獄以牙校充馬步都虞  
候掌刑謂之馬步院太祖慮其任私高下其手開

寶六年始置諸州司寇參軍以新進士及選人為之後改  
為司理掌獄訟勘鞫之事不兼他職元祐定令上州從八品  
中下州從九品大元不置司理有司獄獄丞專掌獄事

羣書要語

折獄之司

詩句方策他時執圜扉到日空

古今事實

治獄得情

宋錢忠定公即授安州司理參軍更有証服自盜抵死邑具獄上於郡公明其冤狀守將謂曰劾縣獄當得賞答曰治獄得情乃其職擠人以論功非吾志也聞者歎服章敏滕公甫力薦之稱其有材

治獄稱職

柳開字仲塗為宋司寇治獄稱職遷錄事參軍

選官充代

宋以專鞠獄事劇者置二人太平興國九年詔曰司理參軍專於推鞠研覈情實尤在得人宜令本州於見任簿尉判司內選明敏有官業者充秩滿當與升資罷軟其職可以選官代  
上書論事

唐張英為歸州理掾數上書論天下事

鮮于遜能

鮮于侁字子駿為江陵左司理參軍慶曆早求言侁推災異所由興及條當世之失有四其語切直唐介在鄉曲稱其名於上官交章乞薦侁盛言在參軍李景陽之美乞移與之介益以為賢

王韶受知

王韶諡襄敏為建昌司理時蔡挺提刑江西受知於挺

韓絳喜薦

蔡確字持正為邠州司理丞相韓絳宣撫陝西喜確所造樂語薦其材

獄爭不屈

范文正公仲淹為廣德軍司理日抱其獄與太守爭是非守盛

怒臨之公不為屈歸必記往復辯論之說于屏上比去至字無所容貧止一馬鬻馬徒步而歸

囚得不死

濂溪先生為南安軍司理獄有囚法不當死轉運使王逵欲深治之先生與之辯不聽則置手拔歸取告身委而去之曰如此尚可任乎殺人以媚人吾不為也逵悟囚得不死且賢先生薦之

獄持益堅

仁宗朝侍御史王平字保衡章聖初為許州司理里中女乘驢單行盜殺諸田間褫其衣而去驢逸田旁家收繫之吏捕得驢指為殺女子者理保衡意疑甚州將趣具獄保衡持益堅數日河南逃移至許劾之乃實殺女子者州將謝曰微司理幾誤殺平人

揮塵錄

獄察其寃

陳戩為懷州司理用法平允屬縣得盜上之州獄公察其寃而尉挾姻黨之貴私請於公公正色曰殺無罪以希賞安乎遂釋之人益知其賢

李公彥撰陳待制行狀

不預帑藏

雍熙三年曰司理司法不得預帑藏之事

不兼他職

見沿革

誤入人者批曆

祥符五年陝西轉運使薛顏言諸州司理叅軍朝廷謂其重難與免選限或任非其人多致枉濫請自今誤入人徒已罪者令批曆依例守選莫有所懲

不勝任者兩易

雍熙二年詔曰王者任人各有攸處苟適其用則無曠官近來  
新及第人為司理參軍恐其初到官尚未通刑法令州郡長司  
視其不勝任者於判司簿尉中兩易之

古今文集

雜著

平江府司理廳修造記

劉漫塘

吳門臺府之會事雖小必上聞理掾刑獄之官令雖嚴不下  
故相承以省事為能掾舍久不治更丙戌夏秋風雨之變殆  
而吳興章君巽享實來君才足以為勇足以決而智足以  
先後曰吾職守之未知違恤乎私乃相因字而以式法庀囚  
壞者必葺闕者必補而非法者必去使不幸而麗于罪者寒  
不爽其宜食飲不愆其度囚知君之愛我而非厲我欲安全  
而非一於斷弃我也辭皆以情曰吾情實然死不憾上具獄

臺若府臺府亦曰掾當是也吾何云既細大之獄不寬而上  
之情感若乃敢圖安而以掾舍不治告時今司農卿林公介實  
以憲節攝府事聞之曰子刑官也而吾刑是司子宜其官吾庸  
多矣敢勤子至于他人乎報下給緡錢若干即因地度宜市材  
鳴工顧廳治以前舊貫可仍則仍之餘皆更造經始于丁亥中  
秋前一日而落成于良月之末合為屋一十有四楹合上石竹  
木瓦甃釘灰工食之費過所給倍取諸俸料不以煩官其中之  
歸然者曰清安堂堂之後為齋曰盡欽而其東之翼然者曰務  
平軒皆取昔人刑獄清平欽恤之意沿其名訴其實君之用心  
可知君以其成之難而慮來者怠其葺之之易也屬余以記余  
君之先公侍郎門下士也故受簡不辭而復于君曰吾聞諸夫  
子有一言而可以終身行之者其恕乎已所不欲勿施於人夫  
拘繫之桎梏之壓焉使之不得避戚戚然報報然居之不安孰

甚於囹圄之入乎曩君與家人之未獲所安也猶汲汲然求有以安之君與家人既得所安矣獨不能因吾身之安而念彼之不安乎因吾家人之安而念彼室家之不遑安乎若然則夫子所謂怒孟子所謂善推所為不外是矣充是心也國可治天下可平也獨理掾乎哉獨刑罰清平乎哉尹曰然當書子言鏡之石與來者共圖之君字某令官某郎

送張總之温州司理序

蔡襄

提封千里民堵萬區加其上者獨太守耳守之責無已重乎曰不若理官之重然則使死者不怨刑者甘心遂理官之重可乎曰不奪則責之可也凡縣邑之民事不得其平者則平之於尹尹之不能平及事之大者咸得平之於守守視其事之小者立決之其大者下于理官理官得以考其情而弃之故曰守之責不若理官之重然理官之專其重而不得專其官有昏耄柔懦

則事叢而下有偏怒奇憐則舉手左右有狹中矜乎簡歷日召而前頤指教救迎合其意則喜違之則怒至有鍛鍊遷就而為之使冤者不得吐其臆巧者不得畢其慮故曰不奪則責之可也使能者為之期止於是不期於奪然每一事之下審獄具文詔于從事謀于監郡上于太守而又質于掌法者若文不比囚不直則移而讞之衆皆可焉班而署之然後乃得已矣若是積三而罷歸其勤亦甚矣總之力學修文行之廉厚復為理官使主郡者賢明不奪則其責愈重總之宜如何為心哉夫與鼓瑟者游而言操刀之事則言者之過也總之于行不敢指異事以規

理曹箴

劉漫塘

錄糾事遺尸察民情法曹殿之持三尺平惟理曹掾司獄之成兩造易惑單辭難明宜脫而收蓋重而輕善者懼矣為惡易懲



泰山壓之不震不驚氛霧障之且明且清察詞必審得情必矜神之聽之福祿來寧

古詩

范仲淹為廣德司理與太守爭非姪革老以詩紀其事

維持狴犴下枉直情必通太守異趣舍挺然不曲從有事爭救之粉屏記其終官小俸祿薄家居率窮空賣馬以自給徒步氣彌充

送呂景山虔州理掾

鄭俠

江西古浩壤昭信雄江濱州獄千里平舒慘係閭閻景山之曾中曉然烏兔輪敢為虔人賀何以致龍神

# 錄事

## 歷代沿革

後漢有郡主簿官晉為督郵皆太守自辟掌總錄眾曹文簿舉彈善惡其後刺史有軍而開府者並置之隋初以錄事參軍為郡官則并州郡主簿之職皆吏部選除煬帝置郡有東西曹掾及主簿唐武德復為錄事開元改司錄參軍掌府事勾稽首署抄目糾彈部內稽違監印給紙筆之事乾元又置凡縣令判司與錄事異禮尊其任也

五代

中下州錄事三者者注劇縣宋沿唐制州有錄事參軍

然不盡置也諸府為司隸諸州為錄事乾興元年丁度中請諸州各置錄事參軍慶曆二年河西河東陝西諸州權令京官知錄事參軍熙寧三年詔繁難去處錄事參軍並差職官知縣及奏舉縣令人充政和三年參軍改為掾建炎初復舊名錄事掌州院庶務糾諸曹稽違大元各路置錄事司有諸錄事司達魯花赤并錄事正八品錄事判官正九品

羣書要語

糾職周禮糾司白六帖糾繩大郡管轄外臺勾稽典簿書掌符印提舉列曹糾察群吏置

標府掾任重功曹列股肱之郡居管轄之司苟非三語之

才則忝六聯之首稱其職則事舉績成非其材則官邪政廢

一郡紀綱六曹表則並同上為樞為相何莫由斯權集紀綱大

府常集宜列府聯之職俾展官常之效常集大府要會六聯紀

綱常務之委積擇通才條理而利可析滯明可照奸常集除京

北府司錄制往參都錄雅有能名錄參制馴置州綱胡又恭制

督郵綱掾之峻郡督郵秉一州之綱任紀綱於州曹同上

大和七年中書門下奏錄事參軍糾察屬縣課責下察紀綱一

郡藉其提舉焉續通典錄事參軍之職掌總錄眾曹管其文案

目上佐以意違失者彈正以法掌凡諸司察之事平寶司徒儀

督郵郡之極位漢官儀

詩句糾郡南海湄韋應物為史專文法陳后山

古今事實

廊廟才

孫幼比海人為孔融功曹融曰廊廟才也後為吳丞相吳錄

御史才

喬琳歷果綿遂懷四州刺史嘗謂錄事參軍任紹業曰子紀綱一州能劾刺史乎紹業出條所失示之驚曰能知吾失御史材也喬錄

千里駒

韋康成字元將年十五身長八尺為郡主簿郡尹楊彪奇之曰韋主簿昂昂千里駒乎三輔決錄

一府望

士東亭為相武主簿既承籍有美譽為一府之望世紀

接以友禮

虞翻字仲翔會稽人太守王朗命為功曹接以交友之禮魏志

置在賓席

裴解為陝府錄參李免除觀察召解曰素聞公名朝中規友談公美事置在賓席

穉來設榻

徐穉時陳蕃為太守以禮請為功曹蕃在郡不接賓客徐穉來時特設榻去則懸之

宗資坐嘯

後漢宗資為南陽太守委任功曹范滂人歌曰汝南太守范孟博南陽宗資主畫諾

成瑨坐嘯

成瑨為南陽太守任功曹岑晁人語曰南陽太守岑公孝弘農

成瑨但坐嘯同上

劉君坐嘯

君轉隴州錄事參軍時劉仁軌以宰相之貴持節此州坐帷中主諾責下君提綱未幾群轄載孚劉君坐嘯以為能陳子昂傳  
王府君墓誌

仁祖見稱

羅含字君章太守謝仁祖一見稱為湘中之琳瑯自江下從事轉主簿

皓薦陳實

漢鍾皓潁川人為郡功曹命辟司徒府臨去辟太守薦陳實為功曹

璨舉謝譚

吳璨為會稽守舉謝譚為功曹吳

請舉公過

韓紳卿為揚州錄事參軍事故相崔圓久狎愛州民丁某至顧省其家後大衙會日司錄君趨以前曰請舉公過公與小臣狎至其家害於政圓驚謝曰錄事言是圓實過乃自罰韓文韓紳卿墓誌

諳書錄考

李詳為鹽亭尉令考為錄事所擠詳諳書錄事考刺史許之即書曰怯斷大案好勾小稽自隱不清言他總濁階前競鬪鬪困

囚徒非赦不出笑之

意與天通

正為益州錄參送折房司馬之不視事吏歌州司馬折威風由是寔知名

事以幹治

諸曹曰事不敢平而視揖起趨去無敢間語縣

令丞尉如京兆事以幹治韓愈銘張署墓

王渙簡核

益郡太守陳寵以功曹王渙簡核舉為主簿

玄明政理

劉聰字玄明年十四究通經史時有太守郭頤辟為郡主簿歌曰我有賢后能任玄明政理人殷前趙錄

務在舉彈

劉洪教云錄事參軍務舉善彈非令史亦各隨事修習也北堂書抄

一以殿最

齊映劉滋執政戴叔倫勸以天下尤切者縣令錄事參軍此者宜出中書門下無計資序限遠近高卑一一以殿最升降則

人人知勸映重其言

攝糾愆繆

閣用之初為彭州參軍嘗攝錄事一日糾愆繆不法數  
守以為材

振舉綱目

顏杲卿為魏州錄事參軍振舉綱目政稱第一

驚僂忤物

崔信明楊州錄事參軍鄭世翼驚僂數輕忤物

浮險恣威

杜兼拜豪州刺史屬德宗厭兵革姑息戎鎮兼性浮險恣威  
錄事參軍韋賞團練判官陸楚皆以守職論事忤兼密誣二  
人扇動軍中忽有制使至兼率官吏迎於驛中前呼韋賞陸楚  
出宣制杖殺之二人皆名家有士林文言一朝以無罪受戮天

下寬之

與一府政

公為京兆司錄參軍與一府政

迎上曹官

政和中尚書省言錄參充近上曹官

傅公英才

傅忠肅公察李擢少負英才時為青州司錄公掾職事往來淄  
青相與琢磨士論稱美

參軍詩人

張垂崖在蜀有錄事參軍老病廢事公責之曰胡不歸明日參  
軍求去且以詩留別曰秋光都似宦情薄山色不如歸興濃驚  
謝之曰吾過矣同寮有詩人而吾不知因留而薦之

問以邊策

胡則字正調憲州錄事參軍時靈夏用兵轉運使索湘遣則入奏太宗因問以邊策對稱旨帝顧左右曰州縣豈乏人遂令記姓名中書

乃陳世務

杜祁公知永興軍辟孫甫之翰司錄事一以委之公歎曰待我以此可以去矣祁公為謝之乃從容陳當世之務祁曰喜得友矣

求獄脫寬

黃裳字文叔為興元府錄事參能以情求獄脫寬死伸無告其眾終任不訊一囚

理獄有能

陳堯佐字希元諡文惠知開封府錄事參軍用理獄有能績遷府推官

召為校勘

李垂字舜工自湖州錄事參軍召為崇文校勘

舉為御史

參軍王沼與楊炎有微恩及炎入相舉沼拜為監察御史始講公議

訴屬葉掾

葉顯諡正簡調建州錄事參軍建俗狠而喜訟或積年官不得決部使者賀允中多以屬公原情誼律必得平亭旁部民聞之有訴于漕臺者輒請以屬葉掾用薦者改宣教郎

獄爭宰相

開封府司錄青州男子趙字上書言元昊反建州而元昊果反字至京師自訟宰相怒下字開封獄奏乞以字所上封事付所司共驗不當加責與

宰相爭事不已字由此得釋 東都事畧

古今文集

雜著

汴州糾曹廳壁記

劉寬夫

郡府之有錄事參軍猶文昌之有左右轄南臺之有大夫中丞也糾正邪憲提舉條目俾六聯承式屬邑知方致上於坐嘯舉網維之未振俾側者不敢挾其側奸者不敢萌其奸法令修明典憲不紊此其任也大梁當天之要總舟車之繁控河朔之咽喉通淮湖之運漕相治所鵠鷺成列地闢土沃兵多甲堅人尚於豪氣率驕蹇有梁園兔苑之遺事當四會五達之通莊雜燕趙悲歌之人適吳楚剽輕之俗為吏之道不倫他邦滔滔來往斷斷阡陌任剛毅則失於突犯守謙卑則病於委隨剛則害身隨則弛法貞元以來戎帥自擅威令已出無復國章隄防

不完徽墨蕩失調

者但疊跡斂手以脫禍為心何有意

於勾稽而敢思其職業者哉太和二年瑯琊郡葛公元方由天長令而蒞焉至則以為當今聖上務治丞相鎮靜以至清肅群下以至公奉朝廷凡所啟建惟道是適苟踵弊於茲日不分畫於茲辰則緣奸積

而於於是端誠守職以正束邪以儉

慎律同僚以直方

綽綽自立職分隨舉故得上下

遠近修整法有刊定

無侵漁之患 政舉其在於斯

游刃恢恢肯繁無滯

諾而克勝其 繩而無忝厥官

從容其間進退不苟其惟葛君乎元和

皇帝勵精理道

注意法律特設科以招

聞明理後詔 覈其研否先君

僕射公時為司續外

實專斯寄絕因緣之舉以公共為先於

數十人中得君充

君之行實敢不詳知夫公署有記其來

自遠燦名氏於屋

示成敗於將來俾善惡克彰韋絃斯在此

蓋春秋之旨也豈可闕哉葛君以余從事斯文叨官倚相見託論撰無愧直書大和三年記

亳州糾曹廳壁記

陳章甫

漢官儀郡主簿秩四百石綱紀一郡糾整不法岳牧無政蒼生有瘼則天子責我汙吏侵人奸聲載路則使臣責我吏不迷職曹有留事則二千石責我役奪人時官有虐典則黎元怨我由此觀之錄事參軍待責之府也所以天官署吏獨難其人觸邪外臺禮隔宜矣由斯賞拔多至重官譙毫都上應星火禹貢屬徐州分野隴西李公負王佐之才所以顧盼廳壁歎曰官猶四序功成者去屋壁無紀吾將安仰始編舊政令余敘之天寶九載七月十日記

江州錄事參軍廳壁記

符載

錄事參軍

郡縣紀綱也車轄也綱弛則目踈轄抗則載輸

也自魏漢以還歷江左郡有督郵主簿後魏有錄事參軍煬帝時罷州置郡有東西曹掾

主簿國朝省掾主簿復為錄事參軍其於勾稽失糾愆謬省抄目守符印一州之能否六曹之榮悴必繫乎其人也其人強其務舉其人困其務削循名考實豈容易哉况潯陽古郡也地方千里江涵九派緡錢粟帛動盈萬數加以四方士庶且多環至駕車乘壘穀聯塙威猛則騰口以飛訕阿懦則腹非而生誚重輕之得尤難其人隴西李尹少昌切玉刺鍾之利也恪勤強毅當官而行其於公家也不掩善以蔽才不隱過而貸非不苛細以作煩不闊略而破方剛柔疎緻雅得其度繇是官府有程案牘無留闕遊我字下清風凜然是時郡守李公以鉅鹿超之政來領此郡內用六條外百姓使人人門戶興行孝睦并賦均一然後從容郡閣時與羽衣縫掖講黃老言其餘枝



節 委于有司而不

以息心奉法上事牧守下

寮吏暢於中發於外人無間言也夫士無貴賤尊有道也位無

小大觀有政也苟素飭

俾窮處厚祿雖多亦奚以為是

書錄事之美于壁間聳善而做不肖蓋春秋之微旨矣先

庭此字荒涼藪瀆端士不履今前後有修竹左右有廊廡

清邃皆自我馬聊紀述之序遂以李君為首亦所以重

廳也

湖州錄事參軍 廳記

楊夔

度材者定曲直於繩較物者決輕重於衡蓋繩無欺衡無

人所取鏡也今使五邑之吏枉正無所逃千里之情毫

差束其內外必蹈外規矩哉諸桀黠知攝於刑憲

繩衡之無私為得其任矣 陽許錡以前秋曹掾端於

寵之遷陟斯任自兵興十五載事隳宿貫守國之法制

政令者由關而東郡亦無幾唯吳興遵國經體舊章上

確然不渝然此數萬眾兵之所給固繫於土賦俾其役不

不煩吏不苛民不疲萬目自正者全在提其綱 君制事

制心以禮節不為勢易志不為強奪靜以督其下故其下書

以泄其事故其事簡由是眾吏畏而庶務集僅至于訟弭而

置矣廣明中妖巢揭竿以犯帝閣遂俾翠華有西南之首梁鄭

周秦之 閣 無所 五改 攀輿外駐甲辰年今太守

以彭門之師擒巢於萊蕪提其 薦於成都明年春玉輦還

遂以功收于吳興帝念殊庸位不配德詔加防禦以高其位

開幕延賓增吏拓制度是取督郵之舊署為防禦使院然後合

功廩戶三椽之廳移居視印繩墮於此夫簷楹迫則耳目

處蕪則思慮昏今茲視於前則淺而露規於後則湫而隘

況與一乎而又聚篠雜卉陰翳階序列衙者亂其次

其局交肩駢足藝禮虧敬君乃命孖人擇壞材啟前

砥中唐嚴層局設外屏以肅其入也構環廊以莊其位

增新擁隘革列目之物固不完美觀其顯敞則夏奪其暑窺

其奧密則冬却其寒地斯清境斯勝足以豁聽視爽精神

和之性增冲澹之趣矣君子是以知蘊智者於事敏負才者於

如水於器方圓無所滯如絲於色玄黃無不入如是則

易卑為高蓋出於餘力乎况君行己之道及物之利其

察也鑑焉臧否無匿其信也潮焉朝夕不忒俗茹其正

直叔向所謂明察之官忠信之長者於此而見矣斤塗

以夔業於文且謂記年表事春秋之曩志也茲廳之立

我而載事莫紀毋乃議於將來乎其為我書之無虛

飾實是編足以貽後遂謹而曰之請題於東墉以紀廳之

司刑箴送王牧仲為黃州錄參

劉漫塘

惟好生以刑教德惟臣欽若矜惻曰彼嘉師于獄

繫我問貌溫氣以察其情以盡其辭故曰祥刑非訖

二典既邈五疵叅反惑於賂外牽往還內偏

惟明能察惟廉靡求四疵遠矣尤惟時上官獄

所貴有司實持其平云何惟意之承怒苟息根

捶楚鍛鍊以成其罪意之所在覆之翼之罪雖貫盈

曰吾之明非闇於理曰吾之廉非役於利不獲乎

意鄉一分職為厲階淹速有度富貴在天釋之竟

名義凜然鬼神森列野人作箴敬告司臬

送李道父辟大名司錄

葉集之

自藏器讀書盡日抵落

其望

世猶

古詩

送程知錄

杜子美

程侯晚相遇與語才業立薰然耳目開頗聰明入意鍾老相  
青義動修蛇螫

送韋諷閬州錄參

同前

韋生富春秋洞徹有清職操持紀綱地喜見朱絲直行往樹佳  
政慰我深相憶

送韋諷攝閬州錄事

同前

聞說江山好憐君吏隱兼寵行舟遠泛惜別酒頻添推薦非承  
乏操持必去嫌它時如按縣不得慢陶潛  
律詩

喜曹劉二從事見過

胡致隆

蕭蕭細雨鎖柴門喜見風流二使君俊逸萬春猶錄事清新子  
建尚參軍

送知錄

方干

八詠遺風資逸興二溪寒色助清威曙星沒盡持綱去暝角吹  
殘鎖印歸

送澶州錄曹宋參軍

陳后山

能吏于今少春風及此行英雄餘戰伐犴獄寄廉平

送楊錄事克使

岑參

天子方澄霽江關西望第一郡內政無雙

新編古今事文類聚卷之十三

外集

天  
心  
圖  
書


三  
夕  
三  
三  
三  
三  
三  
三



製 復 許 不